

# Negara2 Asean bekerjasama atasi masalah alam sekitar

**KUALA LUMPUR.** Selasa — Malaysia dan Indonesia menghadapi masalah alam sekitar yang sama dan ia hanya dapat diatasi dengan kerjasama rapat antara kedua negara.

Memandangkan perkara tersebut,

Malaysia, Indonesia dan negara-negara Asean yang lain melancarkan satu program bertujuan mengatasi bersama masalah-masalah alam sekitar.

Demikian menurut Menteri Negara Indonesia mengenai

Pengawasan Pembangunan dan Lingkungan Hidup, Prof. Emil Salim, setibanya di sini malam tadi.

Prof. Dr. Emil berkata, program tersebut dikenali sebagai Program Alam Sekitar Asean dan menerusi program itu negara-negara anggota dapat memperoleh kerjasama erat dan bertukar-tukar pandangan.

Menerusi program itu diharapkan masalah-masalah alam sekitar yang dihadapi dapat diatasi.

## Pencemaran

Masalah-masalah yang dihadapi oleh Malaysia dan Indonesia, khususnya, adalah pencemaran Selat Melaka, pengawasan haiwan yang dikhuatiri pupus dan pengaruh pembangunan projek-projek, tambah beliau.

Mengenai lawatannya, Prof. Dr. Emil berkata, beliau akan berbincang dan bertukar-tukar pendapat dengan Menteri Sains, Teknologi dan Alam Sekitar, Tan Sri Ong Kee Hui, dan meninjau cara Malaysia menyelesaikan masalah alam sekitarnya.

Prof. Dr. Emil juga akan membentangkan satu kertas kerja mengenai pendidikan alam sekitar di Persidangan Serantau mengenai Pendidikan Alam Sekitar di Universiti-universiti Asean di Universiti Pertanian Malaysia, Serdang esok.

— Bernama.

Bahan asal dari Arkib  
Negara Malaysia